



N°7511  
Entrée le 26.01.2023  
Chambre des Députés  
Déclarée recevable  
Président de la Chambre des Députés  
(s.) Fernand Etgen  
Luxembourg, le 26.01.2023

Fernand ETGEN  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, den 26/01/2023

**Här President,**

**Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministeschesch fir Kultur weiderzeleeden.**

De 25te Februar 2022 ass dat neit Denkmalschutzgesetz a Kraaft getrueden. Nom Artikel 18 vum Gesetz kann all Interesséierten an all Organisatioun eng Demande de Classement fir ee Gebai un de Minister schécken.

An deem Zesammenhang wéilt ech der Ministeschesch dës Froe stellen:

1. Kann d'Ministeschesch eng Kéier rappelléieren, wat déi eenzel Schrëtt an der Classements-Prozedur vun engem Gebai sinn, nodeems eng Demande agereecht gouf?  
Kann d'Ministeschesch erklären, wat fir eng Organer bei all Schrëtt vun dëser Prozedur intervenéieren a wéi eng Aufgaben hinne bei all Schrëtt zoukommen?
2. Wien decidéiert iwwert d'Suite vun enger Demande de Classement an op Basis vu wat fir enge Krittäre gëtt dës Decisioun geholl? Aaneschters gefrot: wien decidéiert, ob ee Gebai eng Classements-Prozedur duerchleeft oder net?
3. An engem Wort-Artikel vum 5te Januar 2023 huet den Direkter vum Institut national pour le patrimoine architectural (INPA) erkläert, dass d'Experte vum INPA, déi de Kulturminister beroden, op Basis vu legale Krittären an a wëssenschaftlecher Onofhängegkeet schaffen.
  - Op wéi enger wëssenschaftlecher Methodologie baséiert sech den Expertegrupp vum INPA fir seng Analysen? Sinn dës Krittäre schrëftlech anzwousch festgehalten? Falls jo, wou?
4. A wéi enge Fäll (no wéi enge Krittären) ginn d'Experte vum INPA op d'Plaz kucken, wéi et am Artikel 131 (2) vum Denkmalschutzgesetz virgesinn ass?  
Wat fir eng Instrumenter benotzen d'Experte vum INPA bei dëse Visitten a no wat fir enger Methodologie gi se vir, fir d'Gebai z'analyséieren?
5. Wat fir eng Roll kënnt der Commission pour le patrimoine culturel (COPAC) an der Prozedur vun engem Classement zegutt?  
Wat geschitt, am Fall vun engem Desaccord tëscht der COPAC an den Experte vum INPA?
6. A wéi enge Fäll ginn extern Experten zu der Classements-Prozedur zougezunn?  
Sinn d'Resultater vun dësen Expertisë fir d'Effentlechkeet zougänglech?  
Wa jo, iwwert wéi eng Weeër?



[www.piraten.lu](http://www.piraten.lu)

Wann nee, aus wéi eng Grënn wëll een dës Dokumenter net ëffentlech maachen?

7. Wéi vill Deeg brauch eng Classementsprozedur am Duerchschnëtt (vum Areeche vun enger Demande bis zur Decisioun vum Minister)?  
Wéi ginn d'Demandeuren iwwert de Verlaf an Ausgang vun der Decisioun informéiert?

Mat déiwem Respekt,



GOERGEN Marc  
Deputéierten

